

IMPRESSUM

Editura:
SRG SSR idée suisse
Communicaziun d'interpresa
Giacomettistrasse 3
3000 Berna 15
Tel. 031 350 92 31
info@srgssrideesuisse.ch

Text e redacziun:
Katrin Hemmer

Translaziun:
Ladina Parli

Concepziun e grafica:
www.lms-media.ch

Stampa:
www.sondereggerdruck.ch

Ediziun:
tudestg: 8000
franzos: 4000
talian: 2500

Data da publicaziun:
24. favrer 2006

Las novitads (newsletter) da la SRG SSR idée suisse cumparan er electronicamain en tuts quatter linguatgs naziunals. La versiun electronica pon ins empustar sin la pagina www.srgssrideesuisse.ch ubain sur il servetsch da mail (publicaziuns novas), ins po era chargiar ellas da la rubrica documents sco pdf sin l'agen computer.

Editoriale ▶

La qualidad dal program en il center ▶

La SRG SSR vul porscher programs che resortan tras lur qualidad tematica e formala.

Objectiv, variant, independent ▶

La charta da program nova da la SRG SR idée suisse prescriba ils princips publicistics che duain valair en ils programs da radio e television da la SRG SSR.

Cronica multimediala da la Svizra ▶

Dapi sia fundaziun l'onn 1931 ha la SRG SSR mess en salv millis documents visuals e sonors.

In film documentar davart la SRG SSR idée suisse ▶

La SRG SSR idée suisse producescha in film documentar davart sia rolla en Svizra: tge ha ella fatg ils davos 75 onns per ademplir sia incumbensa e satisfar als basegns dal public?

Il giubileum al radio ed a la televisiun ▶

La SRG SSR idée suisse festivescha er en ses programs.

Ina festa per ils purtaders ▶

Fatgs istoric-cultural al lai da Turitg ▶

Tecnica da medias en trais lieus ▶

75 onns SSR – 75 onns ideas per la Svizra

Il 24 da favrer 1931 è la societad svizra da radiodiffusiun vegnida fundada per unir las organisaziuns regiunalas da quella giada sut in tetg. 75 onns pli tard guardain nus plain superbia e cun engraziavladad sin 75 onns svilup dal servetsch public – da l'entschatta da la SSR a la SRG SSR idée suisse dad oz cun ses 7 programs da televisiun e 16 programs da radio.

La SRG SSR resta en moviment, pertge che noss giubileum è dal tuttafatg sut l'ensaina da la partenza: l'emprim vegn relaschada la nova LRTV che franchisescha il servetsch public en noss stadi federal e multicultural puspè en la lescha. Lura prendain nus l'onn da giubileum per metter la discussiun davart las valurs en il center. Nus vegnin a discussiunar intensiv ed er publicamain, tge servetsch public che la Svizra dovra e tge SRG SSR ch'il public giavischa. Sco terz faschain nus frunt a las sfidas strategicas ch'ans preschentan midadas socialas e tecnologias novas: basas da multimedia midan il cumportament da consum ed offeriders novs midan la concorrenza. Nus prendain quai sco schanza per il svilup da la SRG SSR en il senn d'in servetsch public dinamic e modern.

La SRG SSR festivescha ses giubileum en in rom commensurà schebain che modest. A l'occorrenza da giubileum uffiziala il december 2006 vegnan ils purtaders regiunals ad esser en il center. Els fan endament, sco che la SSR è naschida e franca da anc oz en las regiuns. Projects da giubileum persistents èn la charta da program publitgada per l'anniversari ed in mussavia che la SRG SSR vegn ad elavurar l'onn da giubileum. In film documentar ed ina timeline multimedia fan endament eveniments istorics e debattas impurtantas en Svizra. Il tom II da l'istorgia da la SRG SSR documentescha il svilup da la SSR dal 1958 al 1983. E betg il davos vegnin nus a far reviver adina puspè la idée suisse surregiunala en noss programs.

Jau m'allegri sin in dialog constructiv durant l'onn da giubileum!

Armin Walpen
 Directur general da
 la SRG SSR idée suisse



Foto: Sabine Papilloud

Armin Walpen

La qualitat dal program en il center

La SRG SSR vul porscher programs che resortan tras lur qualitat tematica e formala. Sco offridra da servetsch public è ella conscianta da sia responsabladad sociala e fixescha standards auts. Per entschaiver l'onn da giubileum publitgescha ella ina charta da program ed ella

vegn er a sviluppar novas directivas. La charta da program numna ils princips publicistics da la SRG SSR e vegn introducida e vivida en l'interpresa sin tut ils nivels.

Mantegnair e rinforzar la qualitat publicistica è ina da las finamiras las pli impurtantas da la strategia d'interpresa 2003-2008 da la SRG SSR. Ina gruppa da lavur naziunala manada da Marco Färber, chauredactor dal radio svizzer DRS, ha uss sviluppà ina charta da program che cuntogna princips publicistics centrals da la SRG SSR. La charta da programs è il resultat d'ina consultaziun en l'entira interpresa tar tut las chauredacturas e chauredacturs e tut ils redacturs e las redacturas da program. Ella va en vigor als 24 da favrer 2006. Sin nivel da las unitads d'interpresa duai ella vegnir garantida cun mesiras adattadas e vivida en il program. La premissa persuerter è la discussiun permanenta cun ses cuntegn e sia realisaziun en la pratica. La charta da program è lianta per tut las collavuraturas e collavuratur da la SRG SSR che lavuran vi dal program e culla publicistica. Ella è la basa da scolaziun e perfecziunament intern e daventa ina part da la controlla da qualitat interna da la SRG SSR.

La charta da program cun 10 puncts

La charta da program pretenda da s'orientar vi da standards etics e professionals e da considerar ils basegns dal public. Ella punctuescha l'indendenza da la SRG SSR e sia responsabladad envers la societad. Ella pretenda incorruptibladad e la premura da s'avischinar tant sco pussaivel a la vardad. Ella rinvietscha a la funcziun da furmar l'opiniun da la SRG SSR e numna sias premissas: avertadad, objectivitat e trasparenza. Tratar la glied en moda correcta e cun respect duai esser evident.

Persunas che basegnan protecziun pervi da lur vegliadetgna, lur persunalitad u pervi d'autras circumstanzas duain vegnir protegidas. Punct 8 constata: «Nus mussain il mund, ils umans e lur accziuns en tut lur expressiuns – er las malempernaivlas, controversas, provocativas e schocantas. Nus essan conscients che nus impresiunain noss public differentamain e

resguardain quai en moda adattada.»
La charta da program pretenda en pli la prontad da conceder sbagls e d'imprender dad els. Ella pretenda che la SRG SSR rendia quint da ses servetsch public. La SRG SSR e sias unitads d'interpresa s'obligheschon cun questa charta da program. Las unitads d'interpresa cumpletteschan ella cun atgnas reglas per la lavur pratica.

Ina survista da la charta da program

Preambel

- 1 En servetsch da la publicitad
- 2 Libertad e responsabladad
- 3 Integritad ed independenza
- 4 Duair da dir la vardad
- 5 Imparzialitad, objectivitad, varietad d'opiniuns
- 6 Transparenza e furnaziun d'opiniun
- 7 Correctadad, protecziun da la personalitad, dignitad umana, necessitad da protecziun
- 8 Respect envers il public
- 9 Responsabladad e rendaquint
- 10 Remartgas finalas

Text da la charta da program guarda www.srgssrideesuisse.ch (interpresa: direcziun).

Objectiv, variant, independent

La charta da program nova da la SRG SR idée suisse prescriba ils princips publicistics che duain valair en ils programs da radio e televisiun da la SRG SSR. Ils mussavias e las directivas publicisticas da las unitads d'interpresa

da la SRG SSR concretiseschan la charta da program naziunala ed èn avis liants per la gliעד che lavura vi dal program. Las finamiras da tut quellas reglas professiunalas èn objectivitat, varietad ed independenza.

Sin nivel da las unitads d'interpresa prescriban palpiris da strategia, directivas publicisticas e redacziunalas, sco ch'ins possia evitar collisiuns d'interess, in schurnalissem da favur u l'influenza da relaziuns publicas (RP). Ellas duain garantir ina «infurmaziun credibla, independenta e pluralistica» (Strategia aziendale RTSI 2002-2006). A medem temp èn talas prescripziuns er ina spezia da «codex da cumportament professiunal e moral», nua ch'ils collavurats dals meds da massa da la SRG SSR sa ston orientar (Charte d'éthique TSR). Las directivas redacziunalas correspundan per il pli a la «decleraziun da las obligaziuns ed ils dretgs da schurnalistas e schurnalists» dal cussegl da pressa svizzer. Ellas fixeschan p.ex. che collavurats al program stoppian palesar tut las obligaziuns d'interess (commembranzas da partida, participaziuns, proprietad d'acziuns etc.) e tut tenor prender recusaziun. En pli ston els renunziar a mandats en uniuns politicas u economicas, na dastgan betg participar a la telereclama e ston laschar approvar cumparsas publicas. Els na dastgan ni

laschar remunerar lur schurnalissem, ni acceptar regals u donaziuns u trair a niz privat infurmaziuns ch'els han survegèni en il rom da lur lavur professiunala (cf. p.ex. directivas publicisticas SF).

Reglas professiunalas

Sper ils princips etics èn fixads en detagl er ils princips e standards professiunals da la lavur schurnalistica. Tiers quintan il respect da la dignitad umana e da la sfera privata, la seleziun equilibrada e la preschentaziun objectiva da temas socialmain relevants, la retschertga senza pregiudizis e l'elavuraziun precauta da las infurmaziuns. Tiers quinta dentant er che las vairas funtanas vegnian inditgadas e lur fidadad examinada e che las novitads ed opiniuns vegnian separadas cleramain da declaraziuns redacziunalas e commercialas. Tenor il servetsch public resp. l'idée suisse obligheschan las directivas redacziunalas ils collavurats en pli da tgirar e durar conscienzusamain il linguatg naziunal respectiv (cf. p.ex. Charte d'éthi-

ques RSR). Fixadas èn er pretensiuns concretas envers tschertas furmas da contribuziun ed envers l'elavuraziun da temas specifics (cf. p.ex. il manual dal schurnalisseem d'infurmaziun tar SR DRS).

Las directivas èn adina accessiblas en l'internet

Indipendenza, objectivitat, distanza critica, avertadad ed incorruptibladad – quai èn chavazzins da las strategias e las directivas publicisticas da las unitads d'interpresa da la SRG SSR idée suisse. Il text chatt'ins tar www.srgssrideesuisse.ch (radio resp. televisiun: programs resp. multimedia).

Cronica multimediala da la Svizra

Dapi sia fundaziun l'onn 1931 ha la SRG SSR mess en salv millis documents visuals e sonors. Cun il project «timeline» da la Swissinfo/SRI Webfactory vul ella render accessibel al public quest archiv audiovisual. Tar www.ideesuisse.ch duain esser accessibels extracts

www.ideesuisse.ch mussa la cronica da la Svizra reflectada en las emissions da radio e televisiun da la SRG SSR. Ni l'istorgia da radio e televisiun ni l'istorgia da la SRG SSR n'èn il tema, mabain eveniments e debattas ch'han dà da discurren en Svizra. La paletta da temas è vasta e cuvra ils davos 75 onns: eveniments dals secturs politica, societad, economia, cultura, relaziuns cun l'exteriur e scienza, dentant er eveniments da sport e dal mintgadi. Ils temas èn partids en en nov rubricas (guarda il quader). Mintga rubrica cuntogna plirs dossiers cun sequenzas d'emissions da radio e televisiun. In

d'emissions da radio e televisiun davart ils eveniments ils pli impurtants en Svizra. La pagina exista en tut ils quatter linguatgs nazionals e vegn cumplettada cuntinuadamain.

text curt introducescha mintga dossier. Realisada vegn la pagina da la webfactory da Swissinfo/RSI en stretga collavuraziun culs posts da documentaziun ed archiv da tut las unitads d'interpresa da la SRG SSR e cun Memoriav.

Avertura a l'anniversari

A la conferenza da medias dals 24 da favrer 2006 vegn preschentà il prototip da la timeline cun agid dal dossier davart la dumonda dal Giura. Cun purtretts e tuns che mussan il svilup tranter l'entschatta dal moviment dal Giura 1949 e la restituziun dal crap d'Unspunnen a Shawne Fielding 52 onns pli tard. Fin la fin dal 2006 duain esser accessiblas var 500 sequenzas d'emissions che derivan dals archivs dals radios e las televisiuns da la SRG SSR e da l'uniun Memoriav. Cumplettada vegn quell'offerta da links sin paginas davart l'istorgia dal radio resp. da la televisiun da las unitads d'interpresa da la SRG SSR.

Las rubricas da la timeline

- ▷ politica ed art nazionala
- ▷ la Svizra internaziunala
- ▷ debattas socialas
- ▷ moviments da protest
- ▷ vita da mintgadi
- ▷ cultura ed ideas
- ▷ sport e temp liber
- ▷ furmaziun, perscrutaziun, innovaziun
- ▷ economia ed infrastruttura

La timeline è in fundus multimedial per tut, tgi che s'interessa per l'istorgia da la Svizra. Ella porscha chaussas remartgabras per ils eglis e las ureglias da quels che dovran l'internet, che tschertgan infurmaziuns approfondidas, dentant er divertentas. Persunas che lavuran per ils meds da massa, magistras e scolars chattan qua material illustrativ per enritgir lur referats e texts.

Memoriav assista

L'uniun Memoriav sustegna il svilup da la timeline. Dapi 1995 s'engascha Memoriav per mantegnair la memoria audiovisuala da la Svizra. La SRG SSR fa part dals commembers da fundaziun. Grazie a Memoriav han pudì vegnir segirads e rendids accessibels al public effectivs impurtants da radio e televisiun. Dapli infurmi-ziuns tar www.memoriav.ch

In film documentar davart la SRG SSR idée suisse

La SRG SSR idée suisse producescha in film documentar davart sia rolla en Svizra: tge ha ella fatg ils davos 75 onns per ademplir sia incumbensa e satisfar als basegns dal public? Cun material d'archiv e reminiscenzas da perditgas dal temp da las quatter parts linguisticas dal

pajais va il reschissur Daniel Hitzig sunter a quellas dumondas. Il film vegn emess l'atun 2006 da la televisiun svizra (Schweizer Fernsehen), Télévision Suisse Romande, Televisione svizzera di lingua italiana e da la Television Rumantscha.

I na dess betg esser ina cronologia da l'instituziun, mabain ina reflexiun davart la SRG SSR sco interpresa naziunala da radio e televisiun cun ina incumbensa publica. Tge unescha la Svizra cun ses quatter linguatgs e sias differentas mentalitads? Tge ha la SRG SSR fatg dapi sia fundaziun 1931 per l'identificaziun da la populaziun cun ses pajais e co ha ella resguardà l'incumbensa d'unir la Svizra, quella naziun fundada sin voluntad politica? A quellas dumondas sa deditga Daniel Hitzig en ses film documentar per il

giubileum da 75 onns da la SRG SSR. Il fil cotschen dal film è la pretensiun dal cussegl federal da 1931 ch'il radio existia per il public e na viceversa. "Ses giavischs, ses gust, sias stentas ston ins chapir", ha averti il cusseglier federal Pilet-Golaz a l'emprima radunanza da delegads da la SSR il mars 1931.

In project nazional

Il film documentar da strusch in'ura mussa sequenzas d'emissiun dals archivs da la televisiun svizra (SF), Télévision Suisse Romande (TSR), Televisione svizzera di lingua italiana (TSI) e da la Television Rumantscha (TvR). Perditgas dal temp da tut las quatter regiuns linguisticas sa regordan, cur che quellas emissiiun èn vegnidas fatgas. Coordinà vegn il project d'Alberto Chollet, responsabel per chaussas dal program da televisiun tar SF, el è er responsabel persunter. Autur e reschissur dal film è Daniel Hitzig, redactor da cultura tar SF. Il film vegn produci en quatter versiuns linguisticas. La versiun tudestga vegn mussada per

Il reschissur Daniel Hitzig

I n'è betg l'emprima giada che Daniel Hitzig frequenta ils archivs da la SRG SSR. 2003 ha el fatg in film documentar davart l'anniversari da la televisiun svizra. Per ses film «50 onns televisiun svizra – da l'uffant malnet al medium directiv» ha survegni SF DSR 2004 il terz premi dal Television Archive Award. Cun contribuziuns da televisiun dapi ils onns tschuncanta mussa Daniel Hitzig, sco che la televisiun e la politica en Svizra s'han chattadas en discussiuns diras. Daniel Hitzig è dapi indesch onns redactor e moderatur tar SF. Tranter 1985 e 1991 ha el lavurà per il radio svizzer DRS.

l'emprima giada al festival da film da Locarno l'avust 2006. Il grond public vesa el sin SF 1, TSR 1 e TSI 1 cartavla-main l'october 2006.

Ulteriuras explicaziuns davart il tema

Ina glista detagliada cun cudeschs e texts davart l'istorgia da la SRG SSR e ses radios e televisiuns chatt'ins tar www.srgssridee-suisse.ch (interpresa: fatgs istorics: litteratura e links).

DVDs per empustar

- ▷ Scherze, Spässe, Pointen – Gewollte und ungewollte Highlights aus 50 Jahren Schweizer Fernsehen. SF DRS 2003 (DVD, 140 min.). www.sf.tv (butia da TV: divertiment)
- ▷ Label TSR. Cinquante ans d'images 1954-2004 (5 DVD, cudesch). TSR 2004. www.tsr.ch (boutique: signè TSR)
- ▷ Hier spricht die Schweiz. 70 Jahre der Information verpflichtet. Swissinfo/SRI 2005. www.swissinfo.ch (Über uns: Kontakt). U directamain: www.swissinfo.ch (Über uns: 70 Jahre).

Il giubileum al radio ed a la televisiun

La SRG SSR idée suisse festivescha er en ses programs. Las emissiuns da radio internaziunalas mettan l'accent sil giubileum da 75 onns. Ils emprims programs da televisiun da tut las regiuns linguisticas emettan il film documentar davart la rolla da la SRG SSR e produce-

schan ensemen ina preschentaziun da gieu. A las unitads d'interpresa da la SRG SSR dat il giubileum andit d'entrar en lur archivs e da far reviver temps passads. Actualas ed orientadas vers l'avegnir en las emissiuns che sa deditgeschan al tema servetsch public.

Las emissiuns per l'onn da giubileum èn uschè variadas sco la paletta da programs da la SRG SSR. Cumenzar cumenzan La Première, DRS 1, Rete Uno ed il Radio Rumantsch als 24 da favrer 2006 cun emissiuns davart il tema servetsch public: La Première avra la damaun la discussiun che vegn cuntinuada la saira en ils auters programs. Cun registraziuns mintgamai da las autras regiuns linguisticas realiseschan ils emprims programs la «idée suisse» concretamain. La medema finamira han duas emissiuns interregiunalas: ils segunds programs ed il radio

rumantsch cuntinuan cun la seria «lieus commemorativs». L'onn 2006 accompognan els las auditoras ed ils auditurs t.a. a Monteceneri e Sottens ch'han ina gronda impurtanza en l'istorgia da la SRG SSR. Ils emprims programs deditgeschan lur seria da stad cuminaivla tradiziunala a las particularitads culinaricas da la Svizra, els guardan en las chazzettas da tut las regiuns naziunalas. Questas emissiuns mussan las concordanzas e las differenzas da las quatter regiuns linguisticas; la finamira da la SRG SSR è cuntanschida. Durant l'entir onn han lieu ulteriuras emissiuns en il rom dal giubileum da 75 onns da la SRG SSR. Bleras vegnan pir planisadas, en in pèr cas han ils responsabels gia ideas concretas. Inqual exempel:

Emissiuns interregiunalas da la SRG SSR

Dapi 1997 contribuescha la SRG SSR cun programs interregiunals a la chapientscha tranter las cuminanzas linguisticas e culturalas da la Svizra. Questas stentas d'integraziun vegnan coordinadas naziunalmain da pliras gruppas da lavur. La CIPD radio e televisiun (Conférence interrégionale des directeurs des programmes) per exempel analisescha ed evaluescha projects che correspundan als basegns communabels da las interpresas da radio e televisiun ed a l'incumbensa da la SRG SSR.

SR DRS: emissiuns da basa e reportaschas

Ils 1. da matg 2006 revegnan las emissiuns «Kontext» e «Reflexe» da DRS 2 a documents sonors ils pli differents davart il tema radio e furmaziun per entrar en l'impurtanza social-

politica e culturala dal radio. Ils 2 da matg 2006 collia DRS 2 ses 50avel anniversari cun l'anniversari da 75 onns da la SRG SSR. Durant l'entir di vegn tematisà il med radio e fatg audibel sco spazi sonor. L'avantmezdi è il radio sco med da furmaziun e las novaziuns tecnologicas cun far e taldar radio en il center. Il suentermezdi mussan reportaschas da tut ils continents las significaziuns differentas dal med radio. Il matg/zercladur 2006 viagia DRS 3 tras vischnancas e citads svizras pitschnas. Umans da mintga vegliadetgna e gener dattan invista en lur mintgadi e s'expriman davart lur domicils. Il public da DRS 3 decida, nua ch'il viadi dals reporters e las moderaturas duai ir.

RSR: Radio fictiv per giuvens da 1931

Durant in entir di il settember 2006 sa mettan ils moderatur da Couleur 3 en la situaziun da lur tats e s'imagineschan, sco ch'in program per giuvens pudess avair vis ora dal temp da fundaziun da la SRG SSR. In program cun musica, infurmaziuns, istorgias e novitads da tut il mund. Musica dals onns trenta dat ina atmosfera speziala al program da musica da Couleur 3 e metta las audituras ed ils auditurs en il temp da giuventetgna turbulent da lur tats. Il viadi tras il temp mussa: il spiert dal program per giuvens da Radio Suisse Romande existiva gia 1931!

RSI: 75 onns en 7,5 emnas

Rete Uno sa deditgescha en il program da stad a l'anniversari da la SRG SSR. Durant 7,5 emnas porscha l'emprim program da RSI al meglier temp d'emissiun ina emissiun speziala cun material d'archiv e mussa uschè la rolla da la SRG SSR sco memoria da la Svizra (dal sid). Cun tuns e vuschs da muments da grondas emeziuns, dentant er cun ponderaziuns da persunalitads enconuschentas e main enconuschentas d'antruras e dad oz.

Radio rumantsch: 52x1 ura

Mintga venderdi da las 14.00 a las 15.00 uras tuna al radio rumantsch «or da l'archiv». Dals onns trenta – bunamain tuttina vegls sco la SRG SSR – èn er ils emprims effectivs da l'archiv rumantsch che vegnan preschentads ussa mintg'emna en ina emissiun speziala.

TV – preschentaziun da gieu naziunala

En ils programs da televisiun da la SRG SSR vegn il tema 75 onns SRG SSR a laschar fastizs a partir dals 24 da favrer fin la fin da l'onn. En intermezzos curts, dentant er en las emissiuns existentas tematiseschon SF, TSR e TSI il giubileum cun iniziativas che correspundan al motto: «75 onns ideas per la Svizra». Sin nivel naziunal è planisa-

da ina coproducziun da SF 1, TSR 1, TSI 1 e TvR. Previsa è ina emissiun divertenta che animescha da pensar e che carmala las aspectaturas ed ils aspectaturs da l'entira Svizra al meglier temp d'emissiun (primetime) davant la televisiun. En ina show da gieu duain vegnir preschentadas las varts sorprendentas da mintgamai las autras regiuns naziunalas che blera glieud n'enconuscha betg u mo da las vacanzas. En moda plaschaivla e senza clichés duain vegnir tematisadas differenzas veglias e novas. Il linguatg vegn ad esser il tema central da l'emissiun. Las participantas ed ils participants al gieu – dentant er las aspectaturas ed ils aspectaturs – vegnan confruntads cun las difficultads da sa chapir: tudestg, franzos, talian, rumantsch. Nun-pussaivel? Insumma betg! Responsabla per quella coproducziun èn Urs Fitze (SF), René Spescha (TvR), Nathalie Nath (TSR) e Gianluca Monnier (TSI).

Websites

Indicaziuns actualas davart il program chatt'ins sin las paginas

- ▷ www.srdrs.ch
- ▷ www.rsr.ch
- ▷ www.rtsi.ch
- ▷ www.sf.tv
- ▷ www.tsr.ch
- ▷ www.rtr.ch

Ina festa per ils purtaders

Cun ina festa uffiziala ils 7 da decembar 2006 concluda la SRG SSR idée suisse ses onn da giubileum. Envidads èn commembers activs dals purtaders e dal cader da la SRG SSR, dentant er persunas da politica, economia, cultura ed administraziun.

En ils proxims dis vegnan envidads tschients giasts da festivar en la sala da gieu a Berna. Il reschissur da la festa è Max Sieber, anteriur manader da la sparta da divertiment da la televisiun svizra (SF). Cun Max Sieber ha pudì engaschar la SRG SSR in profi dal divertiment. Tschients shows da la sonda saira ed emissiuns da divertiment ha el accumpagnà. Quatter giadas è el vegnì undrà en occasiun da la «Rose d'Or Montreux». Dapi 1992 è el il producent e reschissur da «Benissimo», l'emissiun da divertiment da SF ch'ha il dapli success.

Il fundament da la SRG SSR

Cun questa gala da giubileum vul engraziar la SRG SSR surtut a ses purtaders. La SRG SSR è vegnida fundada 1931 cun unir set societads da radio regionalas ad ina organisaziun da tetg naziunala. La federaziun da societads exista anc oz e furma ils uschenumnads purtaders da la SRG SSR. Ella è la basa da la SRG SSR: ils organs naziunals dals purtaders èn il cussegl central ed il cussegl d'administraziun. Il cussegl d'administraziun ha la surveglianza generala da la gruppa da la SRG SSR. Ils purtaders actuals da la

SRG SSR èn quatter societads regionalas, ch'èn repartidas en Svizra tudestga e franzosa puspè en singulas societads da commembers. Dapli davart ils purtaders tar www.srgssrideesuisse.ch (interpresa: purtaders).

Fatgs istoric-culturalis al lai da Turitg

Betg be la SRG SSR, er il center da cultura Seedamm a Pfäffikon Sviz nizzegia l'onn da giubileum per tematisar l'istorgia da la SRG SSR.

El sa deditgescha en l'exposiziun extraordinaria «la fanestra al mund» a la midada da la televisiun, ed el suonda la dumonda da l'aspect svizzer da la televisiun svizra ed illustrescha, sco che la rolla dal radio è sa midada ils davos 75 onns. Cun sequenzas d'emissiuns da las quatter regiuns linguisticas renda il center da cultura vivibla l'istorgia dal radio e la televisiun svizra. L'exposiziun ha lieu dals 24 da mars als 23 da fanadur. Ulteriuras infurmaziuns tar www.seedamm-kultur.ch.

Tecnica da medias en trais lieus

Tge ch'è vegnì duvrà ils davos 75 onns per recepir e producir emissiuns da radio e televisiun ves'ins en trais lieus.

En l'exposiziun «Visions 50» mussa l'audiorama a Montreux l'istorgia da Télévision Suisse Romande (TSR). En l'exposiziun permanenta dal museum per comunicaziun a Berna pon ins guardar recepiders da radio, apparats da televisiun e cameras veglias. Il museum svizzer da transports e comunicaziun a Lucerna maina in studio da radio e televisiun ch'envida d'experimentar.